



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

23. Ad fidelium Dei, &c. De beato Francisco Solano ordinis Fratrum  
Minorum, qui à regulari Observantia appellantur sanctorum confessorum  
canoni per eundem adscripto die 27. Decembris anni 1726.

---

[urn:nbn:de:hbz:466:1-74514](https://nbn-resolving.org/urn:nbn:de:hbz:466:1-74514)



ANNO  
1726.† Ego Nicolaus Tit. sanctorum Nerei & Achillei  
Presbyter Cardinalis Spinula.† Ego Georgius Tit. sanctæ Agnetis Presbyter  
Cardinalis Spinula.† Ego Cornelius Tit. sancti Hieronymi Illyri-  
corum Presbyter Cardinalis Bentivolus de  
Aragonia.† Ego Ludovicus Tit. sanctæ Priscæ Presbyter  
Cardinalis Belluga & Moncada.† Ego Joseph Tit. sanctæ Sufannæ Presbyter  
Cardinalis Pereyra de la Cerda.† Ego Alvarus Tit. sancti Bartholomæi in Insula  
Presbyter Cardinalis Cienfuegos.† Ego Bernardus Maria Tit. sancti Bernardi ad  
Thermas Presbyter Cardinalis de Comi-  
tibus, major Pœnitentiarius.† Ego Joannes Baptista Tit. sancti Marthæi in  
Merulana Presbyter Cardinalis de Alteriis.† Ego Vincentius Tit. sancti Onuphrii Presbyter  
Cardinalis Petra.† Ego Prosper Tit. sancti Chrylogoni Presbyter  
Cardinalis Marefufcus.† Ego Nicolaus Tit. sanctæ Mariæ in Domnica  
Presbyter Cardinalis Coscia.† Ego Nicolaus Maria Tit. sanctorum Joannis  
& Pauli Presbyter Cardinalis Lercarius.† Ego Frater Laurentius Tit. sancti Laurentii  
in Pane & Perna Presbyter Cardinalis  
Cozza.† Ego Benedictus sanctæ Mariæ in Via lata Dia-  
conus Cardinalis Pamphilius.† Ego Laurentius sanctæ Agathæ ad Montes  
Diaconus Cardinalis de Alteriis.† Ego Carolus sancti Angeli in Foro Piscium  
Diaconus Cardinalis Columna.† Ego Julius sancti Hadriani Diaconus Cardina-  
lis Alberonus.† Ego Alexander sanctæ Mariæ in Cosmedin  
Diaconus Cardinalis Albanus.† Ego Alexander sanctæ Mariæ de Scala Dia-  
conus Cardinalis Falconerius.† Ego Nicolaus sanctæ Mariæ ad Martyres Dia-  
conus Cardinalis Judice.

P. Cardinalis Prodatarius.

Pro D. Cardinali Oliverio.

C. Archiepiscopus Emisenus.

V I S A

De Curia J. Archiepiscopus Ancyranus.

L. Martinettus.

Registrata in Secretaria Brevium.

De beato Francisco Solano ordinis Fratrum  
Minorum, qui à regulari Observantia appel-  
lantur, sanctorum confessorum canoni per  
eundem adscripto die 27. Decembris anni  
1726.

## BENEDICTUS EPISCOPUS,

*Servus Servorum Dei, ad perpetuam rei  
memoriam.*

**A**D fidelium Dei servorum gloriam in  
terris manifestandam, unde cultus divi-  
nus maximè augeri, & frigescentia corda homi-  
num ad veræ pietatis opera, præclaris eorum  
exemplis inflammari, atque erigi possint, libenti  
& pervigili animo intendimus; quoniam  
Christum Dominum in sanctis ejus laudare jubemur.  
Hinc beatum Dei servum Franciscum Solanum  
ex ordine Fratrum Minorum, qui à regulari  
Observantia nuncupantur, Christianarum  
virtutum præstantia, & miraculorum numero  
illustrem nacti, magnum populis, nostræ solli-  
citudini creditis, præsidium nos allaturos pu-  
tavimus, si eum solemnè S. R. E. cæremonia  
hac die, in honorem beati Johannis Apostoli &  
Evangelistæ Deo sacra, sanctorum confessorum  
non pontificum canoni adscriberemus.

Montiliæ, Hispaniæ Bætica oppido sub Eccle-  
sia Cordubensi, quam complures Christi marty-  
res nobilitarunt, Franciscus Solanus, voluntate  
martyr futurus, lucem vitalem adspexit vi. idus  
Martias anno reparatæ salutis MDCXLIX. ingenuis,  
piisque parentibus ortus, qui filium timorem  
Dei, virtutesque, Christiano homine dignas,  
solicite docendum curarunt, quibus ipse animo  
accensus, in Fratrum Minorum, qui à regulari  
Observantia nuncupantur, sacram familiam a-  
dolescens cooptatus est. In ea miris & multis  
severioris disciplinæ, Christianæque humilitatis  
argumentis eluxit, diu noctuque divinæ pietatis,  
assiduæque penitentiae exercitiis intentus,  
beatos etiam illos patres, Benedictum & Fran-  
ciscum imitatus, qui se nudos inter pungentissi-  
mas spinas projecerunt, ut omnem vim sensuum  
domarent. His, aliisque præclaris animi dotibus  
ex ejus admirando tenore vitæ identidem pro-  
deuntibus, sacris ipse concionibus, quas arden-  
tissima caritas, ceteraque eximie virtutes, in  
eo fulgentes, ornabant, animas lucrificans,  
sancti elogium passim consecutus est, præsertim  
ubi ægri pueri corpusculum, totum ulceribus  
tectum, amotis linteis, lambens, sanitati restituit.

Sed huc crudeli grassante in Hispania Bætica,  
maximam suam caritatem Dei famulus morbo  
pestifero tabescentibus patefecit, ubi humano  
& spirituali solatio destitutis in tanta calamitate  
opem laturus, pereuntium animabus, corporibus-  
que curandis, nulla mortis formidine territus,  
summam operam dedit; immo & ipse mortali  
contagione infectus, & manu Dei sospes reddi-  
tus, in pristino ministerio usque ad lethalis mor-  
bi finem se alacrius exercere perrexit.

Per ora omnium Solani sanctitatis fama per-  
crebescente, vir modestissimus, qui Dei, non  
suam, gloriam quærebat, se ei clam subducere  
cogitavit. Quare martyrii pro Christo subeundi  
percupidus, hanc sibi gratiam à majoribus dari  
humillime flagitavit, ut in Africam, verbum Dei  
prædicaturus, trajiceret. Compos tamen voti  
nequaquam factus, hoc tandem obtinuit, ut ad  
remotissimos Indos evangelica doctrina imbuen-  
dos cum aliis verbi Dei præconibus navigaret.  
Animarum salutem multis, iisque gravissimis  
maris terræque periculis vir Dei præferens, non

ANNO  
1726.

XXIII.

I.  
Dei gloria in  
sanctis ejus  
manifestata.II.  
Beati Fran-  
cis Solani  
ortus, pia  
educatio, vi-  
taque reli-  
giosæ insti-  
tuto.III.  
Ejus pietas  
erga pestifero  
morbo tabe-  
scentes.IV.  
Magna ejus-  
dem mode-  
stia & caritas  
erga proxi-  
morum salu-  
tem.



A N N O  
1726.

sine prodigio ad vineam, sibi à Domino paratam laboriose excolendam cum sociis applicavit, utque oves errantes ex lupi faucibus ereptas summo pascui servaret, nullis incommodis & vigiliis pepercit. Alienas arumnas suas ratus, Deique amore & proximi aestuans, lingua gentium divinitus percepta suavissimos sermones habens, Dei gratia id præstitit, ut Barbari, deposita feritate, ad Solanum instruendi ultro & certatim accurrerent; unde factum, ut innumeram eorum multitudinem sacro fonte regeneraret, tanti apud omnes habitus, ut ipse ab iis facile obtineret quæ aliis penarum metus & rigor extorquere non poterant. Quantum ejus præsentia, piique sermonis vis apud Indos posset, tunc maxime patuit, quum multa millia infidelium, Christianis, de more, in Dominicæ passionis mysteriis recolendis feria v. in cœna Domini sancte occupatis, cruentam cædem jam jam allatura, ipse Dei verbo exarmavit, diversæque ac sibi ignotæ linguæ barbaros homines uno idiomate allocutus, non solum pacem suavit, sed ad Christi fidem supra novem millia convertit. Pervulgata Francisci fama, miris gestis identidem aucta, ipse ad latibula confugiens, eam declinare conabatur, nec nisi majorum imperio obtinens, munera sibi imposta obivit, donec Liman, orbis Americani principem civitatem missus, incolarum animos ad penitentiam cohortatus, ni agant, alter Jonas extremam cladem interminatur. Nec mora, omnes ad seriam criminum suorum penitentiam agenda perduxit.

V.  
Beatus Franciscus Solanus piè obit, miraculis claret, & beatus adscribitur.

Interim summis pro Dei gloria amplificanda laboribus confectus, supræmæ vocationis diem sibi imminentem agnoscens, sanctissimis Ecclesiæ sacramentis muniri voluit, & pridie idus Julius Anno Christi Domini MDCC. in honorem beati Ecclesiæ Doctoris Bonaventuræ, cujus patrocinio se olim addiderat, Deo sacra; manibus in crucis figuram compositis, piis orationibus recitans, semperque in Domino fixus, in cœnobio Limano Sanctissimi Nominis Jesu expiravit. Francisci anima in cœlum recepta, sacræ ejus exuvie antea subnigræ, mox pulchræ & candidæ apparuerunt, suavique odore perulsæ, undique ad eas venerandas concurrentibus populis, ejusque vestium particulas sibi pro factis reliquiis servandas parare contendentibus. Solani postea virtutibus & miraculis omnium præconio ubique diffusis, & apud hanc sanctam Apostolicam Sedem probatis, piæ memoriæ antecessor noster Clemens Papa X. nono Kalendas Februarias anno salutis MDCLXXV. Franciscum Solanum ritu S. R. E. beatus adscripsit.

VI.  
Sanctis ritu solemnè adnumeratur.

Postmodum verò per venerabiles fratres nostros Sanctæ Romanæ Ecclesiæ Cardinales novis miraculis, à tempore ejus beatificationis patris, in præsentia nostra æque discussis, inque tribus consistoriis & plenario conventu eorumdem venerabilium fratrum S. R. E. Cardinalium, atque etiam Patriarcharum, Archiepiscoporum & Episcoporum nobiscum Romæ præsentium rite perpensis, unanimes eorumdem sententia per Sedis Apostolicæ Notarios coram nobis excepta, Regumque ac Principum Christianorum, totiusque ordinis Fratrum Minorum pro beato Francisco Solano in sanctorum confessorum non pontificum canonem referendo, precibus nobis enixe porrectis, post tantæ rei perficiendæ solemnem diem indictam, perque orationes, jejunia & elemosynas omnipotentis Dei opem ferventissime implorata, demum universis, quæ ex antecessorum nostrorum Romanorum Pontificum constitutionibus, & S. R. E. disciplina agenda erant, omni religione peractis, hac die in honorem beati Johannis Apostoli & Evangelistæ Deo sacra, una cum iisdem venerabilibus fratribus no-

stris S. R. E. Cardinalibus, Patriarchis, Archiepiscopis & Episcopis, ac utriusque cleri & populi frequentia in sacro sanctam basilicam Principis Apostolorum Deo supplicantes convenimus, ubi semel, iterum & tertio pro viro Dei Francisco Solano in sanctorum confessorum canonem referendo, per venerabilem fratrem nostrum Laurentium S. R. E. Episcopum Cardinalem Tusulanum, Corsinum nuncupatum, precibus repetitis, post decantatas sacras orationes, & Spiritus sancti gratiam humillimè invocata, ad honorem sanctæ & individuæ Trinitatis, fidei Catholicæ exaltationem, & Christiani nominis incrementum, auctoritate omnipotentis Dei, Patris, Filii & Spiritus sancti, & beatorum Apostolorum Petri & Pauli, ac nostræ, de eorumdem venerabilium fratrum nostrorum S. R. E. Cardinalium, Patriarcharum, Archiepiscoporum & Episcoporum, nobiscum in plenario conventu basilicæ Vaticanæ præsentium, consilio & unanimi consensu, beatum Franciscum Solanum Hispanum fratrum Minorum, qui à regulari Observantia appellantur, de cujus sanctitate, fidei sinceritate & ceterarum virtutum & miraculorum excellentia plene constabat & constat, una cum beatis viris, perinde confessoribus non pontificibus, Peregrino Latiofo à Foro Livii ordinis Fratrum Servorum beate Mariæ Virginis, & Johanne à Cruce ordinis Fratrum Excalceatorum beate Mariæ Virginis à monte Carmelo, Sanctum esse definivimus, sanctorum confessorum non pontificum canonem adscribendum decrevimus & definivimus, prout præsentium tenore decernimus, definimus & adscribimus, eundemque per omnes Christi fideles, tamquam verè Sanctum, honorari mandavimus & mandamus, statuentes, ut ab Ecclesiâ universali in ejus honorem adæ sacræ & altaria, in quibus incrementum sacrificium Deo offeratur, constructi possint, & quotannis pridie idus Julius, quo die ad cœlestem patriam evolavit, solemnè ejus natalitia, ut sancti confessoris non pontificis, celebrari possint.

Insuper eadem auctoritate, omnibus Christi fidelibus vere penitentibus & confessis, qui eodem solemnè die natalitio in memoriam beati Francisci Solani quotannis ad sacras ejus exuvias venerandas accesserint, annum & quadragenam; iis verò, qui in octava ejusdem festi, quadraginta dies de injunctis, seu quomodolibet eis debitis penitentis, misericorditer in Domino relaxavimus & relaxamus.

Postremò gratis Deo actis, quod Ecclesiam suam insigni hoc novoque luminari illustrare voluisset, canrata in honorem sanctorum Francisci Solani, Peregrini Latiofi & Johannis à Cruce solemnè oratione, in ara maxima supra confessionem Principis Apostolorum sacrosanctum missæ sacrificium celebravimus cum ejusdem confessoris & ceterorum commemoratione, omnibusque Christi fidelibus tunc præsentibus plenariam omnium peccatorum indulgentiam concessimus.

Decet igitur, ut pro tam peculiari magnoque beneficio nobis concessio omnes benedicamus & glorificemus Deum Patrem, & bonorum omnium auctorem, cui est honor & gloria in secula, assiduis precibus ab eo flagitantes, ut per intercessionem electi sui Francisci Solani, à peccatis nostris indignationem suam avertens, ostendat nobis faciem misericordiæ suæ, immitatque timorem sui super gentes, quæ non cognoverunt eum, ut tandem cognoscant, quia non est alius Deus, nisi Deus noster.

Ceterum quia difficile foret, præsentibus nostras literas ad singula loca, ad quæ opus esset, adferri, volumus, ut earum exemplis, etiam impressis, manu publici notarii subscriptis, & sigillo alicujus personæ in dignitate ecclesiastica

A N N O  
1726.

VII.  
Indulgentiæ ejus exuvias, visitantibus concessa.

VIII.  
Missæ celebrata à Pontifice in ejus honorem.

IX.  
Deus glorificandus ob beatum fratrem Solanum.

X.  
His literis ubique fides adhibeatur.



